

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 21-02-2023**

**Mødedato** Tirsdag d. 21. februar 2023 kl. 18:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Angerlarsimaffeqanngitsunut inissiat katitertakkat pillugit ilisimatitsissut.....	6
Ingerlatsinermik nakkutilliarneq pillugu ilisimatitsissut.....	9
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	13
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit.....	17
Utoqqarnut tunngasuni kisitsisitigut paasissutissat - ukiup affakkaartumik malinnaatitsineq.....	19
STU-miinnermut aningaasaliissutit.....	22
Utoqqaat Illuanni siulersuisunut ilaasortamik toqqaaneq.....	24
Utoqqarnut tunngasunut aningaasaliissutit atorineqarnissaat.....	26
Oqaluuserisassanut tapiliussaqa: Kalaallit Nunaanni Danmarkimilu ulloq unnuarlu paaqqinnittarfinn	29
Taasariaqartut allat.....	33
Imaqarniliap akuerineqarnera.....	34

## **Punkt .: Saqqaa**

### **Ilaasortat:**

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Harald Bianco (IA)

Poul Petersen (D)

Mala Høy-Kúko (S)

### **Beslutning**

#### **Ataatsimeeqataasut:**

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Poul Petersen (D)

#### **Oqarasuaatikkut peqataasut:**

Harald Bianco (IA)

Mala Høy-Kúko (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# **Punkt .: Nalunaarutit**

## **Beslutning**

### **Suliffeqarnermut tunngasut**

#### **Tasiilami ilinniarfiusinnaasut pillugit ulloqartitsineq nittarsaassinerlu**

Tasiilami 2023-mi januaarimi perorsaanermut ilinniarfinnut ilinniarfiusinnaasunik qaaqqusanut 40-nut kiisalu ilinniarfiusinnaasut pillugit nittarsaassineq innuttaasunut tamanut ingerlanneqarput. Ilinninarfiusinnaasunik nittarsaassinermi innuttaasut 400-it miss. peqataasimasut missiliorneqarpoq, tassani ilinniarfiusinnaasut misissornissaannut suliffeqarfiillu assigiinngitsut pillugit paasissutissanik pissarsinissaq periarfissaalluarsimavoq. Aaqquussat taakku marluk iluatsilluartumik ingerlasimapput.

#### **Inunnut innarluutilinnut tarnikkut nappaatilinnullu Immikkoortortaqarfik**

##### **Nakorsaatit pillugit pikkorissartitsinerit**

Inunnut innarluutilinnut tarnikkut nappaatilinnullu Immikkoortortaqarfik sulisunut 60-it miss. aqutsisunullu tamanut nakorsaatit pillugit pikkorissartitsinissaq. Innuttaasut nakorsataannik isumaginninnermut tunngatillugu nakorsaatit pillugit pikkorissaanikkut suliatigut ilisimasat annertusineqarlutillu akisussaaffiit qanoq agguataarneqartarnerat ersarinnerulissaq. Immikkoortortaqarfimmi piginnaasat annertusarniarlugit 2023-mi suliniutit aallartinneqartut ilagaat.

##### **Utoqqarnik suliassaqarfik**

##### **Utoqqaat Illuanni aqutsisoq nutaaq**

Utoqqaat Illuanni ulloq 1. februaari 2023-mi Kathrine Lerch Amondson aqutsisunngorpoq. Utoqqaat illuanni ukiut qulit missaanni sulivoq peqqissaanermilu assistentitut ilinniarsimasuulluni.

##### **Tasiilami paasissutissiilluni qanigisaasunullu unnussuaartitsineq**

Tasiilami paasissutissiilluni qanigisaasunullu unnussuaartitsineq ingerlanneqarpoq, tassani puigortunngortunut ataqatigiissaarisoq, tulleriissaarisartoq kiisalu ineriartortitsinerit siunnersorti akisussaaffitsik pillugu innuttaasunut paasissutissiippat. Innuttaasut takkuttut 50-it missaanniippat.

# **Punkt 1: Angerlarsimaffeqanngitsunut inissiat katitertakkat pillugit ilisimatitsissut**

## **Beslutning**

Ilisimatitsissut tusaatissatut tiguneqarpoq.



## **Angerlarsimaffeqanngitsunut inissiat katitertakkat pillugit ilisimatitsissut**

Angerlarsimaffeqanngitsunut unnuisariup allanngortinnissaanik siunnersuut

Ilisimatitsissut

SagsID.: EMN-2023-00569

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Angerlarsimaffeqanngitsunut inissiat katitertakkat neqeroorutaapput angerlarsimaffeqanngitsunut suliffilinnut.

Inissat 24-upput, taakkunannga qulit maannakkut inigineqanngillat.

Aallaavittut utaqqiissaasumik qaammatini 6-ini najugaqartoqarsinnaavoq sivitsuinissamut periarfissaqarluni. Qaammatit arfinilikkaarlugit killiffissiuisoqartarpoq, innuttaasoq inissiani katitertakkani sulii pisariaqartitsinersoq kissaateqarneralu pillugu. Ineqarnermut akiliut aamma misissorneqassaaq, najugaqartumullu oqaloqatigiissutigineqassaaq, naafferartumik akilersuineq qanoq ingerlanersoq aammalu ineqarnermut akiliuteqartarnera ataatsimut isigalugu qanoq innersoq. Tassunga atatillugu paasinarsivoq, najugallit arlaqartut ineqarnermut akiliiumaneq ajortut, naak akiliisinnaagaluarlutik. Pingaaruteqarpoq erseqqissassallugu, innuttaasut matumani pineqartut, tarnikkut inuttullu ima annertutigisumik nanertugaanngimmata, allaat ineqarnermut akiliuteqarsinnaanatik.

Aamma pingaaruteqarpoq erseqqissaatigissallugu, assigiinngitsutigut naafferartumik akilersuineqamut tunngasut misilinneqarnikuummata oqaloqatigiissutigineqartarlutillu. Kisianni taamaakkaluartoq sullinneqartut oqaatigaa, aningaasaatitik allamut atorusunnerugitik, taamaattumillu akiliuteqarnissaraluartik pinngitsoorutitallugu.

Najugallit taakkua angerlarsimaffeqanngitsunut inissiani katitertakkani najugaqarnissamut piumasaaqatit avataanniipput, taamaattumillu attartorunnaarsitaasarlutik.

Taamaattumik inissiani katitertakkani inissaqartoqalertarpoq, utaqqisut allattorsimaffianni allatsissimasut nunguttarmata, angerlarsimaffeqanngitsut unnuisarianniittunik katitertakkanut nuukkumasinnaasunik sulisut piukkussaminnik nutaanik apersuisimapput. Aperineqarsimasut tamarmik suliffeqarput, inissianullu katitertakkanut nuunnissaminnut piumasaaqaatinik naammassinnittuullutik. Aperineqartut tamarmik neqeroorutigineqartumut itigartitsisimapput tunngavilersuutigalugu, aamma namminneq ineqarnermut akiliuteqarusunnatik, taamaattumillu angerlarsimaffeqanngitsut unnuisarianni najugaqarusunnerullutik. Tamanna angerlarsimaffeqanngitsut unnuisariata siunertaanut akerliulluinnarpoq, tassani angerlarsimaffeqanngitsut allanik periarfissaqanngitsut pineqartarmata. Tamatuma saniatigut atuisut pineqartut allat, unnuiffissaminnik pisariaqartitsivissut, periarfissaraluannik tiguisarput.

Pineqartut tassaapput angerlarsimaffeqanngitsut unnuisarianni atuisut 20-30-t, nuunnissaminnik kissaateqanngitsut, naak akissaqaraluarlutik periarfissaqaraluarlutillu.

Aaqqiissutissatut siunnersuutit



Taamaattumik pisariaqarpoq angerlarsimaffeqanngitsuunerup anigorniarnissaa, taavalu pisinnaasut, nalinginnaasumik inissarsiortut akornannut ingerlariaqqitsinnissaat, eqqortumik tapersorneqarnerisigut.

Taamaattumik qulaani allassimasut tunngavigalugit angerlarsimaffeqanngitsut unnuisarfiaata pitsaassutsimik allaaserinera nutarterneqartariaqarpoq, taamaasilluni inissianut katitertakkanut neqeroorfigitinnermi taassuminnga akuersinissaq pisussaaffinngortillugu. Taamaaliornikkut qulakkiissavarput, sapinngisamik amerlasuut kommunip neqeroorutaanik nuannaarutissinneqartut, aammalu angerlarsimaffeqanngitsut aalajangersimasumik angerlarsimaffeqalernissaminnut ingerlariaqqittut.

### **Ingerlatsivimmit aningaasatigut sulisoqarnikkullu naliliinerit**

Aningaasatigut allaffissornikkullu kinguneqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuup angerlarsimaffeqanngitsunut inissiat katitertakkat pillugit pitsaassutsimik allaaserinninnera 2023
- Kommuneqarfik Sermersuup angerlarsimaffeqanngitsunut unnuisarfik pillugu pitsaassutsimik allaaserinninnera 2023
- Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa
- Angerlarsimaffeqanngitsuuneq pillugu Naalakkersuisut periusissiatut pilersaarutaat

### **Ilanngussat**

Ilanngussaqaanngilaq.

## **Punkt 2: Ingerlatsinermik nakkutilliartorneq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Nakkutilliilluni nalunaarusiat ataatsimut eqikkarneri



## Ingerlatsinermik nakkutilliartroneq pillugu ilisimatitsissut

Nakkutillineq pivoq piffissami juuni-decembari 2022

Ilisimatitsissut

SagsID.: EMN-2022-09119

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutillineq ingerlanneqartarpoq.

Nakkutilliinerni siunertarineqartarpoq suliffeqarfiup pitsaassusiata erseqqissarneqarnissaa nalilersorneqarnissaalu suliassat pitsaassusaat arlallit tunngavigalugit, taakkununga ilanngullugit najugallit sammisartagaat, aaqqissuussaananerit aqutsisullu kiisalu najugaqatigiiffimmi neqeroorutit/paaqqinniffiup initaat. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-imeersumi aalajangersarneqarput. Tamakkua saniatigut nakkutilliinerni ajornartorsiutaasut paasinianeqartarput ingerlariaqqinnissamullu pitsanngorsaatissatut periarfissanik aqutissiuussisoqartarluni. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2022-mi juunimiit decembarip tungaanut utoqqarnut inunnullu innarluutilinnut suliassaqarfimmi nakkutilliinermut suliarineqartunit nalunaarusiat arfineq-marluk matumani nassuiaatigineqarput. Ilanngussaq 1-imiipput nakkutilliinermut tunngatillugu suliap eqikkarnerisa ataatsimoortinneri, tassanilu nakkutilliinermut nalunaarusiani pingaarnertut inerniliinerit innersuussutillu katiterneqarneri.

Tullinnguuttuni Utoqqarnik suliassaqarfimmi aamma Inunnut innarluutilinnut aamma Tarnimikkut nappaatilinnut immikkoortortaqarfimmi nakkutilliinerni nalinginnaasumik uteqqiattut inerniliinerillu erseqqissaatigineqarput.

### Utoqqarnut tunngasut - Qeqertarsuatsiaat aamma Paamiut

- Peqqissutsikkut naliliinerit suliarineqarneri tamaat isigalugit siuariarfiupput.
- Najugaqartut pillugit paasissutissat tamarmik, soorlu naliliinerit ullormullu nalunaarsuinerit, digitaliserigaapput. Ulluinnarlunilu sulineri GetOrganized-ip ilaatinneqarnissaa suli sulissutigineqarpoq.
- Napparsimalluni sulinnngitsoortarnerit kisitsisitaat nalinginnaasumik qaffasipput.
- Sulisunik nutaanik pissarsiniartarneq ajornartorsiutaasarpooq, taamatullu sulisut ilinniarsimasut amigaataallutik. Sulisut nikerarnerisa kingunerisaannik peqqissutsimut tunngasunut perorsaanermilu suleriutsinut ilisimasat killeqartarput, taamaammat sulineri pitsaassuseq sunnerneqarluni.



- Najugaqartut aningaasaataanik isumaginninnermi najoqqutassat atuuttut Puilasunnguini atorneqanngillat.

Nakkutilliisup oqaaseqaatai innersuussutaalu tunngavigalugit utoqqarnik paaqqinniffinni utoqqarnullu najugaqatigiiffinni Utoqqarnik suliassaqarfimmi Fagcheffi suleqatigalugu suliniutinik aallartitsisoqarpoq. Annerpaamik najugaqartut aningaasaataanik nalunaarsueriaaseq nutaaq, najugaqartunik nalilersueriaatsit atuutilersinneqarnissaannik pilersaarusionerq aamma sulisunik ilaatigut nakorsaatinik suliaqarsinnaanermik ilinniartitsineq pingaartillugit qitiutinneqarput.

#### Inuit innarluutillit Tarnimikkullu nappaatillit - Nuuk aamma Paamiut

- 2022 aqutsisut sulisullu akornanni assut taarseraaffiusimavoq. Sulisut taarseraannerat suliffinnut assersuunneqarsinnaasunut allanut sanilliullugu qaffasinnerunngilaq. Najugaqatigiiffimmi sullinniarneqartut tassaapput inuit tarnimikkut atugarliuutillit, ullunnarni assigiissaakkamik toqqissisimanermillu pisariaqartitsisut.
- Sulisunik nutaanik pissarsiniartarneq ajornartorsiutaasarpog, taamatullu sulisut ilinniarsimasut amigaataallutik. Sulisut nikerarnerisa kingunerisaannik peqqisutsimut tunngasunut perorsaanermilu suleriutsinut ilisimasat killeqartarput, taamaammat sulinermi pitsaassuseq sunnerneqarluni.
- GetOrganized-ip digitalisererera atuutilersinnissaalu 2022-mi ukiakkut aallartinneqarpoq, ingerlanerali sivisusimavoq.
- Nakkutilliisoqarnerata kingorna najugaqartut tamaasa pillugit ileqqoreqqusaliortoqarpoq.
- Blok 9-mi najugaqatigiiffik ukiumoortumik killiffik pillugu nalunaarusiortoqartarpoq. Najugaqatigiiffiit allat killiffik pillugu nalunaarusiortoqartuarnissamik aamma najugaqartut ataasiakkaat anguniagaasa malitseqartinneqarnissaannik amigaateqarput.
- Aqqusinersuaq 13-imi sulisut assigiinngitsutigut ilinniagallit kingullermik 2021-mi nakkutilliinermik amerlanerulersimapput.
- Pakkutami sulisut aaqqiagiinngissuteqarnerup suliarineqarnissaanik ilisimasaqarlutillu pissaanermik atuisimaneq pillugu nalunaaruteqartarneq misilittagaqarfigivaat.
- Blok 9-mi najugaqartut aningaasaataanik isumaginninnermi najoqqutassat atuuttut atorneqanngillat.

Nakkutilliisup oqaaseqaatai innersuussutaalu tunngavigalugit najugaqatigiiffinni Inunnut innarluutilinnut aamma Tarnimikkut nappaatilinnut Immikkoortortaqarfimmi Fagcheffi suleqatigalugu suliniutinik aallartitsinikuupput. Pingaartumik aqutsisut ilinniagaasa qaffasinnerunissaat piginnaasaqarnerunissaallu qitiutillugit suliarineqarput tamannalu ilaatigut aqutsisut ilinniarteqqinneqarnerisigut, GetOrganized-ip atuutilersinneqarneratigut ullormullu suliat uppersaasiortarnerisigut ingerlanneqarpoq.

#### Ingerlariaqqinnissaq

Ataatsimiititaq ingerlaavartumik ingerlatsinermik nakkutilliinernit ilisimatinneqartassaaq.

#### **Ingerlatsivimmit aningaasatigut sulisoqarnikkullu naliliinerit**

Aningaasatigut allaffissornikkullu kinguneqanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatiillit**

- o Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-imeersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq



## **Ilangussat**

1. Nakkutilliilluni nalunaarusiat ataatsimut eqikkarneri
2. Qeqertarsuatsiaani utoqqaat najugaqatigiiffiani nakkutilliinermi nalunaarusiaq 2022
3. Paamiuni nakkutilliinermi nalunaarusiaq 2022
4. Paamiuni Najugaqatigiiffimmik nakkutilliinermi nalunaarusiaq 2022
5. Aqqusinersuaq 13-imi nakkutilliinermi nalunaarusiaq 2022
6. Pakkutami nakkutilliinermi nalunaarusiaq 2022
7. Blok 9-mi nakkutilliinermi nalunaarusiaq 2022
8. Nuussuaq 65-imi nakkutilliinermi nalunaarusiaq 2022

### **Punkt 3: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

#### **Beslutning**

Ilisimatitsissut tusaatissatut tiguneqarpoq.

#### **Bilag**

Suliffissaaleqisut kisitsisaannut takussutissiat

## Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut ukiumut 2022-mut aamma 2023-mi januaarimut tunngasuuvoq.

### Nuuk

Ukiumut kisitsisit tamarmik misissorneranni Nuummi suliffissaaleqisut suli ikiliartorput. Ukiumi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik sularineqartarput.

### Paamiut

Paamiuni suliffissaaleqineq suli aalaakkaasuuvoq. Majoriami suliassat tamarmik inatsisigut pituttugaasut ataavartumik sularineqartarput.

### Tasiilaq

Ukiumut kisitsisit tamarmik misissorneranni Tasiilami suliffissaaleqisut suli ikiliartorput. Ukiumi suliffissaaleqineq qaffarialaassaaq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik sularineqartarput.

### Ittoqqortoormiit

Ittoqqortoormiini suliffissaaleqisut ataavartumik amerlanngillat. Majoriami suliassat tamarmik inatsisigut pituttugaasut ataavartumik sularineqartarput.

### Kommuneqarfik Sermersuumi suliffissaaleqisut nikerarnerat

Kommunimi suliffissaaleqisut katitigaanerat ukiuni kingullerni 2-3-ni ima apparitorsimanerat pillugu siunissami suliniutini suliffissaaleqisut matchgruppe 2-miittut aamma inuusuttunik 30-t ataallugit ukiulinnut ujartuilluni ilitsersuisarnek pingaartinneqarnerulissapput. Suliffissarsiuussisarfimmit suliassa qarfimmi suliassat pingaarnert sularineqartarneri suli pitsaanerulersinniarneqassapput, tamatumalu kingunerisaanik suliffissaaleqisut ikiliartuaassapput. Ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi, 2021-mi aamma 2022-mi kisitsisinut sanilliullugit suli ikinnerummata. Ilanngussami takussutissiat 1 aamma 2 takukkit.

Sumiiffik	2022-mi innersuussat amerlassusiat	2023-mi januaarimi innersuussat
-----------	------------------------------------------	---------------------------------------

Piffissami tassani  
innersuunneqarsimasut  
nalunaarsorneqarnerat

		amerlassusiat
Nuuk	253	40
Paamiut	116	4
Tasiilaq	13	2
Ittoqqortoormiit	3	0
Nunaqarfinni tamani	2	0

Suliffeqarnermut

Isumaginninnermullu

Ingerlatsivimmit suliffissaaleqisut

amerlanerusut suliffittaarnissaannut

innersuunneqartarnissaat suli sulissutigineqarpoq. Matumani piffissami innersuunneqarsimasunut nalunaarsuinerit tulliuuttumi tabelimi takuneqarsinnaapput. Innersuussisarnermut tunngasut suli 2022-imi ukkatarineqarluarput, tamannalu 2023-mi suli ukkatarineqassaaq. Anguniagaavoq suliffissaaleqisut piginnaasaatigut ineriartortinneqarnerisa kingunerisaanik (pikkorissaanerit il. il. iluaqutigalugit) suliffeqarfillu suleqatiginerisigut suliffissaaleqisut amerlanerit kommunip illoqarfiini nunaqarfiinilu sulilersinnissaat, aammalu inuusuttut suliffissaaleqisut Majoriap neqeroorutaannik ingerlatsinissaannut innersuunneqartarnissaat.

Matchgruppinit agguataarinerit naatsorsorneqarnerat

Suliffissaaleqisunut pingaartumik matchgruppe 2-miittunut suliniutit aallartinneqassapput ukiullu ingerlanerani nangingeqarlutik. Taamaaliortoqassaaq iliuusissanik pilersaarutinik malitseqartitsinissaq pillugu aggersaanikkut kingornalu qulaajaavigineqartussatut innersuunneqassapput tulliuullugulu sulinermik misiliinissaat. Taamaaliornikkut suliffissaaleqisut tarnikkut timikkullu sulisinnaassusaat piviusumik takuneqarsinnaalissapput. Ilanngussami takussutissiaq 3 takuuk.

Avataaniit suliarortut naatsorsorneqarnerat

2022	Amerlassusiat	Januaari 2023	Amerlassusiat
Akuersissutit amerlassusiat	421	Akuersissutit amerlassusiat	42
Allaffeqarfimmit akuersissutinut kisitsisaatit	15	Allaffeqarfimmit akuersissutinut kisitsisaatit	2
Itigartitsissutit amerlassusiat	39	Itigartitsissutit amerlassusiat	16
Sivitsuinerit amerlassusiat	140	Sivitsuinerit amerlassusiat	2
Taamaatitsinerit amerlassusiat	1	Taamaatitsinerit amerlassusiat	1
<b>Aalajangiinerit katillugit</b>	<b>616</b>	<b>Aalajangiinerit katillugit</b>	<b>63</b>

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarnera

Majoriaq inuusuttunut 16-30-it akornanni ukiulinnut ujartuilluni ilitsersuisarnermik suliaqartarpoq. Ujartuilluni ilitsersuinerni sullinniakkat inuusuttuupput suliffissaaleqisut, ilinniakkamik ingerlatsinngitsut kiisalu Majoriami suliffissaaleqisutut nalunaarsorneqarsimanngitsut. Ujartuilluni ilitsersuisarnermik suliaqarneq kommunimi tamarmi nangingeqassaaq, taamaalilluni inuusuttut siornatigut Majoriamit attavigineqarsimasut 1. marsi 2023 nallertinnagu attavigineqarqissapput. Tassunga atatillugu inuusuttunut suliffissaaleqisunut Majoriamik suli attaveqarsimanngitsunik ujartuilluni attaveqartarnek ataavartumik ingerlanneqassaaq.

**Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

### **Ilanngussat**

1. Suliffissaaleqisut kisitsisaannut takussutissiat

## **Punkt 4: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit**

### **Beslutning**

Ilisimatitsissut tusaatissatut tiguneqarpoq.

### **Bilag**

Utoqqaat pillugit Siunnersuisooqatigiit ulloq 6 novembari 2022-mi ataatsimiinnerannit imaqarniliaq

## **Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit**

Ulloq 6. novembari 2022-mi ataatsimiinneq pillugu

Ilisimatitsissut

SagsID.: EMN-2023-00202

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Utoqqaat pillugit Siunnersuisooqatigiit novembarip ulluisa 6-ianni 2022-mi ileqquusumik ataatsimiipput.

Utoqqaat pillugit Siunnersuisooqatigiit malittarisassaasat malillugu ukiumoortumik killiffik pillugu Suliffeqarnermut Isumaginninnermullu Ataatsimiititaq ataatsimeeqatigineqartassaaq tamannalu ulloq 6. decembari 2022-mi ataatsimeeqatigiinnikkut pivoq. Ataatsimiinnermi siunnersuisooqatigiinnit anguniakkat pingaarnerit pingasut saqqummiunneqarput.

Suliffeqarnermut Isumaginninnermullu Ataatsimiititap Kommuneqarfik Sermersuumi utoqqaat atugaasa misissorneqarnissaannik siunnersuisooqatigiit siunnersuutaat Suliffeqarnermut Isumaginninnermullu Ataatsimiititamit tusaatissatut tiguneqarpoq, ataatsimiinnissamilu aggersumi siunnersuut oqaluuserineqassaaq.

Aammattaaq Suliffeqarnermut Isumaginninnermullu Ataatsimiititamit, ullumikkut utoqqarnut inissiat neqeroortigineqartartut tapertassaannik nutaanik utoqqaat najugaqatigiiffiilik ilumut sanaartortoqartariaqarnera pillugu siunnersuisooqatigiit siunnersuutaat eqqartorneqarusuppoq.

Suliffeqarnermut Isumaginninnermullu Ingerlatsivik Utoqqaat pillugit Siunnersuisooqatigiit sulinerat pillugu Suliffeqarnermut Isumaginninnermullu Ataatsimiititamut ataavartumik ilisimatitsissuteqartassaaq. Tamatuma saniatigut Utoqqaat pillugit Siunnersuisooqatigiit ataatsimiinnerinit imaqarniliat Kommuneqarfik Sermersuup nittartagaatigut tamanut saqqummiunneqartassapput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusaq
- Utoqqaat pillugit Siunnersuisooqatigiit suleriaasissaat

### **Ilanngussat**

1. Utoqqaat pillugit Siunnersuisooqatigiit ulloq 6 novembari 2022-mi ataatsimiinnerannit imaqarniliaq

## **Punkt 5: Utoqqarnut tunngasuni kisitsisitigut paasissutissat - ukiup affakkaartumik malinnaatitsineq**

### **Beslutning**

Ilisimatitsissut tusaatissatut tiguneqarpoq.

## Utoqqarnut tunngasuni kisitsisitigut paasisutissat - ukiup affakkaartumik malinnaatitsineq

Ilisimatitsissut

SagsID.: EMN-2023-00225

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivimmit utoqqarnut tunngasuni inissianik neqeroorutit pigineqartut takussutissartaat kiisalu utaqqisunut allattorsimaffik saqqummiunneqarput.

Takussutissamiippat Suliffeqarnermut Isumaginninnermullu Ingerlatsiviup utoqqaat illuini, oqilisaassivinni, utoqqaat najugaqatigiiffiini inissat pigisai aamma utoqqarnut/innarluutilinnut inissiat pigisai.

Suliffeqarnermut Isumaginninnermullu Ingerlatsiviup innuttaasut makkununga innersuuttarfaat:

- Utoqqaat illuat
- Oqilisaassineq
- Utoqqaat Najugaqatigiiffiat
- Inissiat utoqqarnut innarluutilinnullu naleqqussakkat

Kommune ataasiakkaanik innarluutilinnut naleqqussakkanik pigisaqarpoq, sinnerilu Inissiatileqatigiiffik Iserit A/S suleqatigalugu tunniunneqartarput. Tassunga atatillugu utoqqarnut/innarluutilinnut inissiat inini allerni tummerartaqanngitsuni imaluunniit aqqusinermiit arlalialunnguanik alloriusartalinniippat.

### Inissat pigineqartut

Illoqarfik/najugaqarfissanik neqeroorutit	Utoqqaat illuat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	65	14	-	275
Paamiut	22	2	-	20
Tasiilaq	16	-	-	6
Qeqertarsuatsiaat	-	1	8	2
Ittoqqortoormiit	-	-	7	2

Tulliuttumi januaari 2023-mi utaqqisunut allattorsimaffik takutinneqarpoq.

Utaqqisunut allattorsimaffimmiippat innuttaasut inissianut taama ittunut innersuunneqarsimasut allattorsimaffiat. Taakkua saniatigut innuttaasut qinnuteqartut sulili innersuunneqarsimanngitsut aamma pigineqarput (kisitsisit ungaluusamiippat).

Utaqqisunut allattorsimaffik maannakkut - 23. januaari 2023

Illoqarfik/najugaqarfissanik neqeroorutit	Utoqqaat illuat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	19 (5)	1	-	54 (+50)
Paamiut	0	0	-	5 (7)
Tasiilaq	3	-	-	2 (8)
Qeqertarsuatsiaat	-	0	0 (inissat atornegarsinnaasut)	0
Ittoqqortoormiit	-	-	1	0

Utoqqarnut tunngasuni tulleriissaarisartut 2022-p ingerlanerani, pingaartumik Inissiat utoqqarnut innarluutilinnullu naleqqussakkanut tunngasunik, saffiginissutinik amerlasuunik tigusaqarput. Tamanna pillugu qinnuteqaatit eqqortut salliutinneqarnissaat qulakkeerniarlugu kiisalu qinnuteqaatit tamakkerneqarnissaat pillugu Tulleriissaarisartut annertuumik aaqqissuussinermik suliaqarput.

Suliffeqarnermut Isumaginninnermullu Ingerlatsivimmit kissaatigineqarpoq utoqqarnut tunngasuni inissianut utaqqisut allattorsimaffii pillugit ammanerulernissaq, ukiullu affakkuutaartumik ilisimatitsissutit Suliffeqarnermut Isumaginninnermullu Ataatsimiititamat saqummiunneqartassasut.

Aamma utaqqisut allattorsimaffii innuttaasullu katitigaanerat Suliffeqarnermut Isumaginninnermullu Ingerlatsiviup pilersaarusioneranut aammalu immikkoortumut pilersaarutiniq suliaqarnernut tamanut tunngatillugu ilaatinneqartarput, ilaatigut illuliassanik sanaartugassanillu pisariaqartitsinerit eqqarsaatigalugit.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatillit**

- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq.
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq
- 2021-2025-mut suleqatigiinnissamik isumaqatigiissut
- Kommuneqarfik Sermersuup Utoqqaat pillugit politikkaa 2016-2026
- Kommuneqarfik Sermersuumi utoqqaat pillugit immikkoortumut pilersaarut

### **Ilanngussat**

Soqanngilaq.

## **Punkt 6: STU-miinnermut aningaasaliissutit**

### **Beslutning**

Ilisimatitsissut tusaatissatut tiguneqarpoq.

## STU-miinnermut aningaasaliissutit

Ilisimatitsissut

SagsID: EMN-2023-00671

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivimmit Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 49-50 malillugu innuttaasup Danmarkimi ukiuni pingasuni STU-miinnissaa akuersissutigineqarpoq. Innuttaasup tassaniinnermini nammineernissamik ilinniarsinnaanissaa, siunissami suliffissamut tunngatillugu paasisaqarnissaa taamalu imminut pilersorsinnaalernissaa anguneqassasoq nalilerneqarpoq.

### Ingerlatsivimmit aningaasatigut sulisoqarnikkullu naliliinerit

Ukiuni pingasuni STU-miinnermi aningaasartuutissat ataani tulleriarneqarput.

STU-miinnermi ukiumut aningaasartuutissat:.....784.962 kr.  
Ingiallortitut angalanermut, unnuinnermut, pequtinut allanullu aningaasartuutit:.....33.793 kr.  
Ukiunut pingasunut STU-miinnermut katillugit:.....2.388.679 kr.

Aningaasartuutit maannakkut missingersuutaasut avataanni inissisimavoq. Suliffeqarnermut Isumaginninnermullu Ingerlatsiviup TB2-mut atatillugu aningaasartuutitut matussusiinissamut pisariaqartitat nalilersussavaat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- o Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersaq

### Ilanngussat

Ilanngussaqaanngilaq.

## **Punkt 7: Utoqqaat Illuanni siulersuisunut ilaasortamik toqqaaneq**

### **Beslutning**

Inassuteqaat itigartitsissutigineqarpoq, imatut oqaaseqaatitalerlugu:

Ileqqoreqqusat, suleriaasissaq paasissutissallu allat suliamut attuumassutillit ataatsimiititamut saqqummiunneqarnissaat ataatsimiititamiit piumasarineqarpoq.

## **Utoqqaat Illuanni siulersuisunut ilaasortamik toqqaaneq**

Aalajangiiffigisassaq

SagsID: EMN-2023-00479

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Nuummi Utoqqaat Illuanni siulersuisunut ilaasortassamik toqqaasoqassasoq

### **Suliassamik saqqummiussineq**

Utoqqaat Illuanni siulersuisunut ileqqoreqqusani § 3, imm. 1 malillugu Suliffeqarnermut Isumaginninnermullu Ataatsimiititaq siulersuisunut ilaasortamik ataatsimik toqqaassaaq. Kommunalbestyrelsimi ilaasortaanissaa piunarsaqqaataangilaq.

### Utoqqaat illuani siulersuisunut ileqqoreqqusat nutarterneqarnissaat

Suliffeqarnermut Isumaginninnermullu Ingerlatsivimmit Utoqqaat Illuanni siulersuisunut ileqqoreqqusat maanna nutarterneqarput. Utoqqaat Illuani siulersuisunut ileqqoreqqusat nutaat akuersissutigineqareerpata Suliffeqarnermut Isumaginninnermullu Ataatsimiititamut inaarutaasumik akuerineqarnissaannut ingerlateqqinneqassapput.

### **Ingerlatsivimmit aningaasatigut sulisoqarnikkullu naliliinerit**

Aningaasatigut sulisoqarnikkullu kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- o Paaqqutarinniffik "Utoqqaat Illuat" pillugu ileqqoreqqusaaq

### **Ilanngussat**

Ilanngussaqaanngilaq.

## **Punkt 8: Utoqqarnut tunngasunut aningaasaliissutit atorineqarnissaat**

### **Beslutning**

Inassuteqaat akuersissutigineqarpoq, imatut oqaaseqaatitalerlugu:

Siunnersuutit 1, 3 aamma 4 akuersissutigineqarput.

Siunnersuut 2 ingerlatsivimmut utertinneqarpoq allanik pitsanngorsaasoqarnissaa kissaatigineqarmat.

## Utoqqarnut tunngasunut aningaasaliissutit atorineqarnissaat

Aalajangiiffigisassaq

SagsID.: EMN-2023-00109

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- missingersuutit pillugit isumaqatigiissummi aningaasaliissutit qanoq atorineqarnissaat aalajangiiffigineqassasoq

### Suliassamik saqqummiussineq

2023-mut missingersuutit pillugit isumaqatigiissummut atatillugu utoqqarnut puigortunngortunullu tunngasunut immikkut 4 mio. koruunit aningaasaliissutigineqarput, taakkulu atorlugit utoqqaat atugarisaat, nerisaqarnermut, eqqiaanermut, inunnik isumaginninnermut kiisalu nunaqarfinni annertunerusumik tikikkuminarsaanermut tunngasut, pitsanngorsaavigineqassapput.

Matumani Suliffeqarnermut Isumaginninnermullu Ingerlatsivimmit aningaasaliissutinik taakkuninnga atuinnissamut siunnersuutit saqqummiunneqarput.

Aningaasaliissutit sunniutai 2024-mut missingersuutinut atatillugu nalilersorneqassapput, taamaattumillu aningaasaliissutit suliniutinut aalajangersimasunut, ingerlatsivimmit malitseqartitsiffigineqarsinnaasunut immikkoortinneqarnissai pingaaruteqarpoq.

Tulliuttut tassaapput 4 mio. koruunit atorineqarnissaannut ingerlatsivimmit siunnersuutit.

### Suliassatut siunnersuutit

#### **Siunnersuut 1: Utoqqaat Illuannut inuussutissalerinnermi ikiorti**

2022-mi ukiaanerani utoqqarnik paaqqutarinninnermut tunngatillugu nerisaqarnerup pitsaassusaa politikikkut ukkatarineqarpoq. Nuummi Utoqqaat Illuaniit utoqqarnut namminneq angerlarsimaffiminni najugalinnut nerisassat agguanneqartarput. Tassunga atatillugu nerisassat pitsaanerulersinniarlugit igaffimmi sulisut amerlineqarnissaat siunnersuutigineqarpoq.

Aningaasartuutit: 250.000 kr.

#### **Siunnersuut 2: Nerisaqartitsinnermi naatitat paarnallu**

Nerisaqartitsinnermi naatitanut paarnanullu aningaasaliisoqarsinnaavoq, taamaalilluni utoqqarnut nerisaqartitsineq peqqinnarnerulissaaq allanngorarnerulerlutillu.

Aningaasartuutit: 550.000 kr.

#### **Siunnersuut 3: Utoqqarnut puigortunngortunut isumaginninnermi teknologiinik iluaqusersuutit**

Kommuneqarfik Sermersuumi puigortunngortut amerliartuaarmata kingunerisaanik unammillernarsinnaavoq, tamatumunngalu isumaginninnermi teknologi atorlugi aaqiissuteqartoqartariaqarpoq. Puigortunngortunut ataqatigiissaarisumit GPS-it atortut assigiinngitsut, innuttaasunik angerlarlutik tammartartunut sumiissusersiutaasinnaasut, misissorneqarput. Sumiissusersiutaasinnaasunik atuinermi pissaanermik atuinernut inatsisit

atuuttut aamma inummut paasissutissat pillugit inatsit malinneqarnissaat eqqumaffigineqartariaqarput.

Aningaasartuutit: Siunnersuut una akuerineqassappat pisariaqartitsineq pillugu naliliinissamut suliaqartut attuumassuteqartut peqataatinneqassapput. Puigortunngortunut tunngasuni ataavartumik iluaqusersuutinik pisiortortoqartarnissaa pisariaqassasoq naatsorsuutigineqarpoq.

Naatsorsuutigineqartoq: 2.000.000 kr.

#### **Siunnersuut 4: Angerlarsimaffimmi ikiorteqarfimmi / utoqqaat illuini ilinniagaqarneq / pikkorissarneq / supervisioni**

Ataatsimut isigalugu sulisunik amigaateqarnerup saniatigut utoqqaat illuini angerlarsimaffimmilu ikiortini paaqqinninnermut ilinniarsimasunik sulisunik assut amigaateqartoqarpoq. Ilinniagaqarnikkut imaluunniit pikkorissarnikkut sulisunik piginnaanngorsaaqqinneq assut pisariaqartinneqarpoq. Naak piffissap sivikitsup iluani sulisut ingerlatsinermi peerneqartussaagaluartut ataatsimut isigalugu utoqqarnik paaqqinninnermut iluaqutaasussamik aningaasaliissuteqarnerusaaq. Angerlarsimaffimmi ikiorteqarneq pingaarnerutinneqassappat utoqqarnut, nunaqarfinni najugalinnut, aamma iluaqutaassaaq, taakkumi missingersuutit pillugit isumaqatigiisummi pingaartinneqarput. Sapinngisamik pikkorissarnernut najukkami ingerlanneqartunut peqataanissaq pingaartinneqassaaq.

Aningaasartuutit: Qassit pikkorissarnermut imaluunniit ilinniakkamik ingerlatsissanersut apeqqaataassaaq.

Naatsorsuutigineqartoq: 1.200.000 kr.

#### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivimmit politikikkut kissaatit malillugit missingersuutit pillugit isumaqatigiisummi aningaasaliissutit inissinneqassapput, taamaalillutik 2023-p ingerlanerani atorneqarsinnaassammata kiisalu 2024-mut missingersuutit pillugit isumaqatigiisummut atatillugu nalilersorneqarlutik. Ingerlatsivimmut aningaasatigut sulisoqarnikkullu allatigut kinguneqassanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppernarsaatillit**

- Kommuneqarfik Sermersuumi 2023-mut missingersuutit pillugit isumaqatigiisut

#### **Ilanngussat**

Ilanngussaqaanngilaq.

## **Punkt 9: Oqaluuserisassanut tapiliusseq: Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat**

### **Beslutning**

Ilisimatitsissut tusaatissatut tiguneqarpoq.

### **Bilag**

Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut

Nalunaarutissatut siunnersuummut tunngatillugu assersuutaasinnaasut, nalunaarullu atuuttoq



## **Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat**

Ilisimatitsissut

SagsID: EMN-2023-00821

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatitugit tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutigalugu tusaatissatut ingerlateqqinneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsiviup Qallunaat Nunaanni Social-, Bolig og ældreministeriet-miit Danmarkimi aamma Kalaallit Nunaanni ulloq unnuarlu paaqqinnittarfinniinnissamik neqeroorut pillugu nalunaarutissatut siunnersuut nutaaq tiguaa. Siunnersuut BEK 647 ulloq 31/05/2017-imeersup atuuttup allannguutigivaa. Suliffeqarnermut Isumaginninnermullu Ingerlatsivimmit tusarniaanermut akissuteqaat Qeqqata Kommunian aamma Kommuneqarfik Sermersooq sinnerlugit suliarineqarpoq. Meeqqanut Ilaqutariinnullu Ingerlatsivik isumassanik meeqqanut tunngasut pillugit allannguutissanik tunniussaqqarpoq.

Suliffeqarnermut Isumaginninnermullu Ingerlatsivimmi pisortap tusarniaassutigineqartoq Qeqqata Kommunian Isumaginninnermut pisortamit nassiussarsiarivaa, taassumalu Meeqqanut Inuusuttunullu Naalakkersuisoqarfimmit ulloq 5. februaari 2023-mi tigusiimavaa. Naalakkersuisoqarfiup tusarniaassutigineqartoq kommunini aqutsisut ilaannut aamma Isumaginninnermi Aqutsisoqarfimmut nassiuppaa akissuteqarnissamat ulluinnaat 6,5-it piffissaliullugit. Tusarniaassutigineqartoq pisortatigoortumik aqutit atorlugit kommuninut nassiunneqanngilaq. Tusarniaassutinut akissuteqaatit ilanngussatut ilanngunneqarput.

### Tusarniaanermut akissutip tigulaariffiginera

Siunnersuutip ingerlanneqarnera periuserineqartoq, tusarniaanermut piffissaliussaq aamma tusarniaassutigineqartup nassiunneqarnera kommuninit assut isornartinneqarput. Nalunaarutip pingaarnertut allannguutitaa innuttaasut pineqaatissinneqarlutik inissinneqartut pillugit suliassanik agguataarinnermut tunngassuteqarpoq, tassani akisussaaffik akiliisussaataanerlu siunnersuutigineqarpoq kommunimut inissinneqassasoq. Ullumikkut akisussaaffik akiliisussaataanerlu namminersorlutik oqartussani inissisimavoq. Kommunit aamma namminersorlutik oqartussat akornanni suliassat agguataarneqarnerisa allanngortinneqarnissaannut Qallunaat Nunaanni nalunaarut Naalakkersuisunit atorneqarnera, siumoortumik kommuninik isumaqatiginiqqaarani, qaqutigoortuuvoq. Tamanna kommuninit assut isornartinneqarpoq. Tunniussineq aningaasaqarnikkut kommuninut annertuumik kinguneqartussaavoq.

2022-ip tungaanut Peqqinnissaqarfiup (Naalakkersuisut ataanni) tarnimikkut nappaatillit pineqaatissinneqartut akisussaaffigivai, pinerluttulerinermi inatsimmi §240 naapertorlugu. Pinerluttulerinermi inatsit 2022-mi allanngortinneqarpoq, "tarnimikkut nappaateqartut inuilluunniit tamatumunnga assingulluinnartumik assersuunneqarsinnaasut" (imm. 1) aamma "silamigut

inortoq” (imm. 2), tassani siullertut taaneqartoq suli peqqinnissaqarfimmit akisussaaffigineqarpoq, kingullertullu taaneqartoq aalajangerneqarpoq inunnik isumaginnittoqarfimmit akisussaaffigineqassasoq.

Tusarniaanermut akissummi uparuarneqarpoq, silamikkut inortunut pineqaatissinneqarsimasunut tunngatillugu sullissineq, aningaasaliisarneq il.il. Naalakkersuisunit tunniunneqarnissaat kissaatigineqarpat, tamanna Naalakkersuisut aamma kommunit akornanni toqqaannartumik isumaqatiginniniutigineqartariaqartoq, nalunaarummi allannguisoqartinnagu, taanna Kalaallit Nunaata aamma Danmarkip akornanni inissinneqarsimasunut naleqqussarneqarmat.

Suliffeqarnermut Isumaginninnermullu Ingerlatsivik isumaqarpoq suliassaq kommunip sullissineranut tunniutissallugu naleqquttuunngitsaq, tassani suliassat ikittuinnaat annertoorujussuit pineqarmata. Eqqartuussivinnit pineqaatissinneqartup Danmarkimut inissinneqarnissaa aalajangiiffigineqartarpoq, kommunillu suliap ingerlanneqarneranut taamaalillutik sunniuteqanngillat. Tamatuma saniatigut ukiumi kingullerni suliart arlallit tunngaviumik paasinianeqarnissaat pisariaqarpoq, tamannalu Naalakkersuisut aamma qallunaat naalakkersuisa akornanni pisariaqarpoq. Aammattaaq suliani aningaasartuuterpassuusarput amerlasuutigullu sivisuujusarlutik.

Naalakkersuisut §240, imm. 2 malillugu pineqaatissinneqarsimasut pillugit suliassat tunniunneqarnissaannik siunniussaqaarsimassappata, tusarniaanermut akissummi tamanna uparuarneqarpoq, tassa kommuninit naatsorsuutigineqarmat aningaasartuutiviit ataatsimoortumik tapiissutit imaluunniit Tamakkiisumik oqimaqatigiittoqarnissaanut tunngavik aqutugalugu utertinneqartarnissaat. Tamanna tunngavigalugu allannguutaasinnaasut aamma pisinnaanngillat, siumoortumik isumaqatiginniuteqartoqartinnagu aamma missingersuutinik nalimmasaasoqartinnagu - tassa imaappoq, siusinnerpaamik ukiumi missingersuusiorfiusumut nutaamut ikaarsaalernermi.

#### Tusarniaanermut akissummut akissut

Suliffeqarnermut Isumaginninnermullu Ingerlatsivik februaarip ulluisa 16-ianni Meeqqanut, Inuusuttunut Ilaqutariinnullu Naalakkersuisoqarfimmit tusarniaanermut akissummut atatillugu akissummik tigusaqarpoq. Nalunaarut suliassaqaqarnerulernermit kinguneqassanngitsaq isumaqarput, innersuussutigalugulu pinerluttulerinermit inatsimmi § 240, imm. 2 malillugu silamigut inortunik inissiisarnernut aningaasartuutit Naalakkersuisunit akilerneqartartut, aningaasaqarnermut inatsimmi konto pingaarneq 30.13.44 silamigut inortunik inissiinerit takuuk. Tamatumunnga Naalakkersuisut erseqqissaatigaat, ulloq unnuarlu inissiinerup saniatigut isumaginninnikkut ikiorsiissutit kisimik nalunaarummi malittarisassaliuunneqartut, taakkulu ikiorsiissutit Kalaallit Nunaanni inatsisit tunngavigalugit qanorluunniit kommunip susassaqaqarfignai.

Suliffeqarnermut Isumaginninnermullu Ingerlatsivimmit suli nalunaarutitigut pineqaatissinermi inissiinermit atatillugu Naalakkersuisuniit kommuninut suliassanik tunniussinermik kinguneqassasoq. Naalakkersuisoqarfimmit akissuteqaqqinnerminni allassimasut ullumikkut pineqaatissinneqarsimasunut inissinneqarsimasunut isumaginninnikkut ikiorsiissutit akilerneqartarneri kommunit suliassarinnigilaat. Tamatuma saniatigut pinerluttulerinermit inatsimmi, aningaasaqarnermut inatsimmi nalunaarummiluunniit inissiinermit aningaasartuutit kisiisa Naalakkersuisunut akilerneqartarneri erseqqissaatigineqanngilaq. Tamanna aningaasaqarnermut inatsimmi taamaallaat aalajangersarneqarsimavoq, kommuniminullu tusarniaatigineqarnani allanngortinneqarluni.

#### **Ingerlatsivimmit aningaasatigut sulisoqarnikkullu naliliinerit**

Nalunaarutissatut siunnersuut isikkumisut akuersissutigineqassappat tamatumunnga aningaasartuutit annertuut ilaassapput. Qanoq annertutiginera ilisimaneqanngilaq, suliart ullumikkut Namminersorlutik Oqartussanit isumagineqartarmat. Suliffeqarnermut

Isumaginninnermullu Ingerlatsiviup naatsorsuutigivaa, kommunit aningaasartuuteqarnerulernerat tamakkiisumik tapiissutit imaluunniit utertitsineq aqqutigalugit utertinneqartassasut. Taakkununga sullissinermi aningaasartuuteqarnerulernerq ilanngutissaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kalaallit Nunaanni Danmarkimilu ulloq unnuarlu paaqqinnittarfinnik neqeroorteqartarnek pillugu nalunaarut
- Kalaallit Nunaanni pinerluttulerinermut Inatsit

### **Ilangussat**

1. Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut
2. Nalunaarutissatut siunnersuummut tunngatillugu assersuutaasinnaasut, nalunaarullu atuuttoq

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15.28.